

雙黛館主金嘯梅輯

清代野史大觀

上海新華書局發行

清代野史大觀序

國家之興亡。史以紀其事。故國有史館。而以士林充其役。然在上古之時。如堯之以讓舜。天下固有君主。而以德者居之。在其時而編史。應無史之可紀。惟德之存焉。是以無興亡之感。孔子曰。天下惟仁德者居之。太上曰。上古之民。渾渾噩噩。不知有憂慮。不知有利祿。不知有爭競。爲知有是非。終日怡怡如也。夫人以利祿而困。因是非而起競爭。以競爭而生憂慮。而憂慮卽利祿而生也。如居手上者。不以利祿爲榮辱。則孔子所謂。天下惟仁德者居之耳。無如習久相沿。利祿以生。既有利祿之心。則不得不出而競爭。競爭而弗勝。則憂慮生矣。競爭而敗。則敗者亡。競爭而勝。則勝者興。於是乎興亡之感。因斯而生矣。又久而久之。人心益搖。民知愈開。民知開則知天下有利祿。欲攘利祿。則可出而競爭。遂人人知有利祿。人人可以競爭。爭之既烈。則發生屠戮之慘。於是乎互生殘殺之心。厥後之爭天下者。遂皆出之武力。達則戮之人。民畏其威。迫以屈服。試問豈仁德者之所忍爲乎。迨至清代。而其入關之始。無處不以威力脅迫。卽七區亦屢遭蹂躪。國史館之編纂明史。凡關於滿清有所忌諱者。則盡刪之。此非編者咎。實主編者不敢作也。今專制華共和立。人民有言論自由之權。正編史之機位。但滿清之歷史。在清初倒編。著錄甚秘。然而事

清代野史大觀 序

二

出倉猝。或有病於遺漏。故爲是篇。非敢言無謬。但紀其實耳。
民國十二年元月山陰金嘯梅識於畫梅廬

編例

一 本編彙輯自滿清入關始。縱橫二百餘年。至清末止。凡關於清代事迹。可錄者無不列入。

一 本編有明代大事。而關於滿之一部分者。亦摘錄以八。使讀者從始至終。首尾得以貫連。分程序節。爲章凡一十二。爲節一百十二。以便按圖索驥。

一 本編歷述清代紀事經過。尤稱明顯。一切皆從實紀載。毫無隱諱之弊。即其前所不敢言者。今無不直書。

一 本編之紀清代年份。恐一時不易推算。故以下均注以西曆年份。清代何朝。卽爲西歷若干年。一讀便了然。

一 本編於清廷上諭。或經報章登載。與人盡皆知之名人奏疏。因其與事實有關。錄入後。並不稍加粉飾。以存其真。

一 本編於洪楊戰事。庚子拳亂。咸爲清代亡國之一極大原因。是以紀之尤詳。

一 本編雖以文言。但並不力求深奧。使讀易於着手。而無期艾之病。

清代野史大觀 編例

二

本編紀載興亡事迹及國家安危所繫。無不瞭然。自緒論始。以至終片。爲一氣所成。本編所搜羅而列入者。於清代有重要關係。始克充入。不則篇幅有限。空言浮文。不得不存擯棄之例。讀者乞諒。並希垂教焉。

清代野史大觀上集

目錄

第一章

緒論

第二章

第一節 滿人入關

第二節

戰自成奔竄

第三節 代明而帝漢

第四節

下雍髮令

第五節 下江南

第六節

揚州屠城慘聞

第七節 民師舉義

第八節

剿寇亂

第九節 滅諸王

第十節

廢沁與入五台

第三章

第十一節 清師之定台灣

第十二節

鎮三藩變之

第十三節 查剪諸藩以弭亂 第十四節 亂倫與虐政

第十五節 再征台灣克之 第十六節 西藏獲捷

第十七節 玄燁三討朔漠 第十八節 中俄締約之初

第十九節 戮輔政大臣 第二十節 科儒以安人心

第四章

第二十一節 胤禩之奪嫡 第二十二節 邊疆亂作

第二十三節 年岳征青海班師 第二十四節 興文字大獄

第二十五節 骨肉相殘 第二十六節 嚴屬以偵百官

第二十七節 遠撫厄魯特 第二十八節 賜年羹堯死之

第二十九節 雍和宮之建設 第三十節 雍正被刺紀

第五章

第三十一節 黔地苗警 第三十二節 收金川

第三十三節 安南之役 第三十四節 將軍阿桂平回回

第三十五節

白蓮教之戕害

第三十六節

緬甸與暹羅人貢

第二十七節

林爽文台灣之變

第三十八節

弘歷南巡紀

第三十九節

兆惠定南北天山

第四十節

山東王倫猖獗

第六章

第四十一節

顯琰居喪之詔書

第四十二節

和相之獲寵

第四十三節

籍沒和坤之家產

第四十四節

賜和坤自裁

第四十五節

和坤案之餘音

第四十六節

大理教匪林清犯宮

第四十七節

圓明園遇刺紀

第四十八節

水盜之擾海洋

第四十九節

殲餘孽於滑城

第五十節

安南之戰

第七章

第五十一節

回亂之一

第五十二節

鴉片之戰事

第五十三節

湖南搖民之變

第五十四節

立浩罕國王

第五十五節

樞臣之一班

第五十六節

捕洪秀全釋之

清代野史大觀 上集目錄

四

第五十七節 失緬甸

第五十八節之回亂 二

第五十九節 太平軍之起義紀

第六十節 潘川馬賊陷之

清代野史大觀（上集）

雙黛館主輯

第一章 緒論

國之有史。猶民之有紀事焉。龔孔氏而爲春秋。紀其事也。溫公而作通鑑。亦紀事也。國之爲史也。爲鑑也。紀本紀實。鑑古鑑今。然中國四千年來。左氏而作傳。司馬撰史記。諸如班固之漢書。玄齡言晉。沈約談宋。思廉紀梁。種種歷史紀事。失之浮夸者有之。失其本真者有之。甚至意含託古。事過徧袒。或假之於神怪。或故作不經之談。致流傳後世。頗有非議。且進而歸咎於作者。甯不冤哉。考歷代帝王。其專制之威權。一鞭叱咤。諸侯懷伏。爲常有伴虎之危。人民若受樊之犬。一旦天顏變色。能滅族於俄頃之間。鼎鑊斧鉞之誅。獨如常膽。矧以溫公之文士乎。然則歷史之弊。有由然矣。而國之以立。焉能無史。既編史矣。則不能無所忠諫。欲存乎真。奚可言諱。諱之矣。則不如不言。言之而託過徧袒。神怪之語。荒謬之談。遂見諸紀事。阿私以媚上。爲一身之保。今當時鄙薄後世譏評。知之莫能蔽。古曰。天地不仁。以萬物爲芻狗。足證生於其世者。未能不自悲其處不得時也。但以帝王而蹂躪文士。在戰國已然。迨秦而焚書坑儒。使天下士無敢

爲文。天憤人怨。秦亡而漢立。文章大盛。儒者雖不箝口。然有鑒於前車。終不敢涉於本朝。必待異代而紀之。則所聞所見。豈能判其不誤。或竟獲之道聽踈陳。爲歷史之參考。而鑒古今。紀本實。其可得乎。卽得之。其不紀實也顯矣。是以宋以紀唐。唐述晉。以後而敘前。始敢略擯所諱。至欲求真。則惟有質前賢於地下耳。於是上古而相習。而元而明。沿至滿清。其弊適益甚。以白山黑水之異族。唐以韃靼目之。及宋而興師入寇。擄二帝以去。天下皆憤。爲漢之大恥。迨明而書之建州。據奉吉黑三省之地。以稱雄。勃勃野心。躍然欲試者久矣。萬歷四十四年。時明祚衰頹。內亂難弭。強鄰迫逼。胡夷窺亂。僭立帝號。取瀋陽。遂定滿都。於遼陽。乘間以攻朝鮮。明方困於魏闔。外患固不問。滿適克之。轉軍以擊察哈爾。長驅而寇中國。大凌以陷。闖賊亂起。滿得人關。而據漢之天下。然以異族夷奴。一朝帝漢。於心奚能無疚。疑亦隨以俱萌。故在熙雍兩朝。於漢人文士。動輒慘遭殺戮。其間漢姦挾嫌尋仇。因而興文字獄者。屢見不鮮。賢者痛焉。天下冤之。如吳之沈歸愚。薄有微名。以一詩之忤。爲讎者所發。罪且戮屍。維揚徐述夔。咏涉壺兒。邑令書以媚上。罪至剖棺斬屍。誅之三代。其虐待漢民。蹂躪士倫。慘無人道。有如此者。言之實堪髮指。宜乎烈士英雄。灑一腔熱血。志在去滿而後已也。顧其淫威。既若是其專。則朝野人士。烏得不悚懼寒心。筆有書。不書其。輒口有道。不敢直道。畏權禍也。輒有一二忠義之士。憤發於衷。挺身爲痛語。而聞者鮮有不掩耳疾走。非

無肝臟也。畏株連也。於是漢基一舉而爲。暗無天日之世界。筆有畫畫其美。口有道道其恩。泣血飲恨者。皆嗟若鯽。而欲功頌德之文。遂遍布天下矣。嗚呼。悲已強權之下。所向豈愁不克。克焉敢不低首下氣。冀待時以再振。甯知大勢既潰。人力難回。而滿人以漢民之蜷伏也。適以伊夷之奴隸生活。施諸漢族。是爲苛政之始。抑亦漢民最大之恥辱與隱痛也。滿焉而損。損或以益。強者應亡。滿自掠漢。而有天下。幾三百年。此二百餘載之歲月。中民宵驚而夕危。臥薪以嘗胆。亡國之讎。寢食且不能去。受痛苦雖愈深。志亦益勵。當其三代之始。炎威初振。姦穴擅國。上以諛其君。下焉虐於民。而漢人之哀痛。失亡。惶迫憂懼。疾首痛心。搗磨切齒。銜之者。非伊朝夕。迨嘉道間。滿人衰象漸見。上下預顛。擁黷食脂。諸事蝸蟾。禍機潛伏。識者早知其不久。謂國將有大亂。至咸同兩朝。太平軍攘臂而起。晨攻則暮得。勢如破竹。洪氏據金陵而稱帝。羽翼四進。長驅直入。佔地十有三省。其勢之浩大。清室以武政頹廢。倉猝奚能禦此。斯時也。如洪楊諸人。能協力以逐胡夷。自不難遠渡漢人原有山河。惜列王不爲大局之籌。但爭一時權利。遂互萌忌嫉之心。適至自相殘殺。上者也。志在存併。下者也。從事殺伐。一城之得失。必屠戮以爲快。憤滿之心。且及於已族。姦淫劫掠。視若賓客。使無人道。預胡夷之進關。民以怨之。洪於復滿志躊躇。安然坐享。不思北驅以爭天下。人心倒置。說氣盡。而大事去矣。時寇滿漢賊。會左諸人。投袂而發。古云。物必先腐。而後蟲生。太平軍

中。反戈自攻。爲閭閻之爭。太阿倒持。授隙與人。曾左得乘虛勦襲。連拔諸城。易得者易失。再起再蹶。卒成大功。太平諸王。擒者擒。遁者遁。其中如石達開。李秀成。輩智謀武略。非不足以抗曾左。實以洪氏左右。小人施技。將帥居外。猜忌攻訐。使英雄志不得逞。謀不得用。忠言逆耳。阿諛自甘。有爲之士。觀大勢若是。咸意頷而心灰。掛印宵遁。上章乞罷。朝野紛然。人心凜懼。而羣賢相將俱去。留者鼠燕宵小。鳥足以當大事。洪氏之勢。既孤立。儼同傀儡。登場。任人播弄。一旦兵臨城下。平素自詡。萬人之敵。武侯之謀者。皆蒙首鼠竄。狼突豕奔。洪氏力無縛雞。呼救無援。惟有束手待綁。洪氏至此。當亦悟悔爲小人所賣矣。雖然。太平軍戮殺太甚。人民流離奔亡。尸骸山積。血流遍野。可謂浩劫已。洪氏坐失時機。蹂躪百姓。死所應得。今人之惜。惜其時而非惜其死也。脫事而果成。漢人可少受數十年之凌虐。無如自甘摒棄。寧非天意也歟。而曾左諸人。平心論之。雖爲一姓之忠。洪氏之役。確有偉勳於請室。卽其剪暴安良。不能謂無惠於民。特以漢而忠滿。忘漢事仇。遂爲後世譏耳。清既得曾左諸人輔。國焉稱治。漸有中興之象。然則以曾左人才論。固人傑也矣。但清室自遭此創。外視似興。而其中實餒。故至光緒立。朝政益見衰敗。強鄰亦日相要挾。諸臣但知賄賂從事。顯者之門。爲買職之地。自禁都若市場。求官惟以金錢。致執綽市僧。僉以南面爲榮。無知無識者。充滿於政界。而機關叢隘。盡係宗室。彼輩錦衣肉食。嬌惰性成。名曰治民。皆不學而無術。甚至盡

行亦必令人瓜代。其他可知。行政之竊敗。至斯已極。蓋亦滿社將亡之預徵也。未幾而義和團起。清帝偕后西奔。聯軍入京。燬宇劫掠。搜括之技。甚於盜賊。是實滿以婦人聽政。上下蒙蔽。婦孺之見。足以收亡。矧軍國大事。謀及婦人。始而養癰爲患。終迺辱國喪權。貽吾漢之羞。卒割地議和。使漢有江山。遂成蠶食。思之當爲一哭。此光緒二十六年事也。迨三十三年。遂有安慶之變。漢族義烈之士。目覩清室之無道。苛政虐民。民不堪擾。掘脂搜髓。幾不聊生。適謀逐滿之策。烈士徐錫麟。首先發難。以事機不密。僅斃清室大吏。而烈士殉焉。輿風傳各省。全國震驚。滿人之防範亦益嚴。市虎杯蛇。風鶴皆兵。志士男兒。受嫌下獄。瀝血市曹者。時有所聞。進行遂益猛。雖禁令森嚴。謀者自謀。爲救國而拯民。本置生命於度外。但求有益於國。不惜以個人作犧牲。其勇敢之心。義憤之氣。足能使人肅然起敬。故奔走革命之健將。如孫逸仙。黃克強。輩。實皆民國之功臣。雖有從而攻訐者。然皆迂腐之徒。不諳大勢。坐井觀天。其語實不足重。輒或意懷徇見。旨加評論。或挾私固陋。斥之爲快。要皆非平心之論也。誠如所言。則護滿漢姦。豈反爲仁德乎。蓋滿人之於漢民。制之肘下。壓迫已久。天下之事。迫之愈急。則激射亦愈高。而清之末年。對吾漢民。更形苛虐。官吏亦黑幕重重。民捕略不關心。第知得官。爲發財捷徑。一任卸去。莫不滿載以歸。利祿薰心。慾壑如海。既飽已之饕餮。復盡情搜以爲功。人民奚堪。其一再剝削。於是萬姓嗟怨。血性烈士。知捫滿之刻不可緩也。

便官吏之結黨營私。亦足以速滿清之敗。若輩已得飽掠。餘非所顧。故其亡焉。一般官僚。無不腦滿腸肥。黨事一發。亦不失爲富翁。心理大都若斯。誰復爲皇室計哉。是以武昌之役。義旗一舉。天下響應。而漢光復。滿遂亡矣。然當時迫滿成災。佔漢數百年。事事蹟迹。無敢紀其真。今特著爲清代野史大觀。以章爲序。以節代程。道人之所遺。紀史之不及。摒浮夸之辭。無假托之弊。昔屈子離騷。韓非孤憤。境也相殊。矧予非其流。甯敢竊效古人。惟求紀事論實。他則非所知也。

雙黛館主識

第二章

第一節 滿人入關

明太祖朱姓。諱元璋。爲濠州人。舊稱鍾離。蓋今之安徽鳳陽縣也。幼孤貧。依諸寺僧。時元順帝昏憤亂政。盜賊起於四方。羣雄皆佔據郡邑。以爭天下。而郭子興。領衆據濠州。太祖往附焉。出戰無不利。郭奇而配以女。子興既薨。將領擁爲吳王。渡江舉師以討賊。戮張士誠。破陳友諒。東征而西勦。所向輒克。威震震天下。遂移師北進。略燕京。建都南京。而稱帝焉。太祖愛民尊士。萬衆歸心。爲一代之英主。而國以安靖者二百四十餘年。傳至神宗朝。國政漸衰。內訌外患。日以蠲蟻。萬曆之四十四年。滿州首領。愛新覺羅氏。都孟特穆。之六世孫。皇太極氏。即努兒哈赤之第八子。窺明祚之衰頹。遂逞其野心。僞自稱帝。建國曰大清。應

天命爲崇德。在位八年而薨。九子福臨立。年僅五齡。由和碩睿忠親王。多爾袞氏代攝國政。卽順治元年也。神宗在位四十七年而崩。光宗立。在位三十日。尋崩。熹宗繼立。聞寺魏忠賢弄權。癸姦佞。誅忠諫。天下益亂。大啟七年。忠賢伏誅。熹宗亦崩。思宗立。卽崇禎帝也。帝英明善察。爲國積憂。常廢寢食。古來亡國之君。皆酒色荒政。獨帝則異。常仁愛天下。頃之卒。竊亡祚。其中殆有天意存焉。時流寇蠭起。奪城擄民。人心追駭。馬賊高迎祥之甥。祥死。衆推爲闖王。卽李自成也。擾亂巴蜀。晉豫等地。復陷鳳陽而燬阜陵。焚掠之慘。千古罕聞。崇禎九年。僭王號曰大順。流賊張獻忠乘機而起。自湖南入蜀。陷成都。自號大西國王。地方糜爛。國旣不國。滿洲遂俟隙入寇。臣將祖大壽。洪承疇輩。相繼歸附。國勢益危。時吳三桂坐鎮甯遠。李自成兵逼燕京。常下詔召三桂入衛。三桂正進兵。途聞燕京已陷。迺懼而止。徘徊不前。以觀成敗。致自成攻破潼關。直搗京城。帝親事迫。殺后與太子。自縊煤山以殉國。隨殉者僅一宮監而已。帝皇殉難。從古無有其慘者。嗚呼痛哉。闖賊旣入京。卽登極稱帝。明臣魏藻德。陳瓚。呂端輩。緬然拱手出迎。其不知廉恥可羞孰甚。而闖兵四出焚掠。三桂之家族亦與焉。三桂有妾曰陳圓圓者。江南之名妓也。識字知書。爲李闖所擄。留諸宮闕。三桂聞而怒曰。闖賊掠吾愛姬。仇也。戴天而自揣。兵力殊單耳。滿洲人強馬壯。遂修函乞兵相助。書曰。

三桂以蠡負之身。膺遼有重任。耳貴主之名久矣。以春秋之義。交不越境。是以不敢通名。幸見諒焉。今也流賊李闖入犯天闕。以狗盜之名。烏合之衆。殃民有餘。成事不足。顧京師人心不固。姦宄稱雄。籌款充糧。啟門納賊。先皇不幸。宗廟受踐。此則三桂所痛心疾首者也。刻聞賊僭自尊帝。擄劫良民。萬姓怨嗟。人神共憤。行同黃巢。志匹赤眉。賊心未泯。衆心離異。其授首指日可期也。三桂世受國恩。代獎大吏。憫生靈之塗炭。欲舉師而拯民於倒懸。籍慰民望。然以彈丸之地。兵力綿薄。思與貴朝爲鄰。通好數百年。今遭國難。當亦聞而見憐。矧賊子亂臣。人得誅之。夫順者除暴以剪惡。義者拯顛以扶危。援民水火爲之仁。擯威定霸以立名。義師一搗。則國爲貴朝有。甯非時機也哉。且以雄健之邦。斃流賊如拉朽。立不世之功。創萬年之業。乞垂念亡國孤臣。納蠅翼之言。選精兵以協助。共集都門。以殲流賊。則有功於中國。誠非淺鮮也。區區微衷。幸垂察焉。

時爲西歷一千六百四十三年。清帝福臨尙在稚年。聽政者。和碩睿忠親王。多爾袞。得三桂之書。集滿臣朝議。皆躍躍欲試。多爾袞意遂決。自署大將印綬。令和碩豫通親王多鐸。以前鋒印。選精騎星夜兼程。自統旗兵。長驅而進。是爲滿族入關之始。而三桂不以亡國爲辱。因姬之擄去。是爲女子。適一怒假兵。使異族入關稱雄。漢有山河。送諸滿人之手。其咎尙可卸耶。